

CARNAVALESCONAN AMBIENTOSO..



****** Si sed dal bo y hamber cuminsa ataca bo diadomingo durante carnaval, ata bo BAR & RESTARAUNT dilante e skina cayente di Vondellaan. E cos di refresca no ta di papia mes, mientras e cuminda pa tene bo stoma na bida, ta aki bo ta haye. DEN AMBIENTE a ser informa cu lo bay tin soppie di "Lanta cabez den 43" y tambe "Aroz con Milo". Check e caranan, tur ta "lanta lantaa".



****** Hendenan netchi y great den e skina cayente di Vondellaan a goza sin fin diadomingo ultimo durante e tremendo ambiente di e carnaval di mucha. Nan a laga sa na DEN AMBIENTE cu mayan durante e parada grandi, nan lo baha den nan estilo unico y cu ni solo lo por stopnan di disfruta di nan carnaval 43, pasobra nan tin e vitamina pa fria e cabez..

****** Ayera a cumpli su di 8 añitos nos amiguita **GISLEINE GOMEZ**. DEN AMBIENTE por a compronde cu ayera tabatin un fiesta di disfraz masha special, na unda el a ricibi hopi regalitonan for su Mamie Madeleine, Papie Gito, Madrina Julie, Padrino Jan Poets y tambe di su famianan Gomez y Ras y su amiguitanan di Paulus School. Riba foto por aprecia Gisleine Gomez hunto su su ruman chiquito stima Maryleine..



****** Ayera tabata un dia super special pa **YADIRAH PETERSON**, kende a cumpli 10 año di feliz bida. Ayera Yadirah a celebra su cumpleaños hunto cu su amiguitanan na Colegio Pastoor Kraamwinkel durante e tremendo fiesta y eleccion di Reina di school. Yadirah ta haya hopi felicitacion di parti Mamie Suzy, Papie Jan Poets, famianan Croes, primanan y primonan.



****** Awe ta di fiesta carnavalesco nos amiguita **CHRISTAL PETERSON** kende ta cumpli 7 añitos. Hopi pabien, sunchi y brazanan ta bin di parti di su mamie Martha, Papie Juni, Madrina Gwendy, Padrino Jan Poets demas famia y tur su amiguita(o)nan di Rosario Colege 1B. Riba foto por aprecia Christal Peterson na man robez hunto cu su prima stima Kathleen durante e parada di mucha na Playa hunto cu e grupo di Biblioteca Nacional...